

Das Ander Buch

Etliche machen einen Rauch im Taubenhause mit Salbeyen/
vnd Weyrauch/ wenn sie Tauben außgelassen.

Item nim Eberswurzel/ weissen Zitber/ Honig/ Erbsen/ Hey-
delorn/ mische es vntereinander/ vnd bestreich das Bret des Lau-
benschlags im Fenster damit.

Nim Rümichsamem/ vnd Linsen/ erweiche es in Honig Was-
ser/ wirffs den Tauben vor zu essen.

Oder henge einen Fledermauß Kopff ins Taubenhauß.

Gesner schreibt/ im Vogelbuche/ wenn man inn alle Fen-
sterlein etwas von einem Seilbände/ oder Strick henger/ daran ein
Mensch erwürget ist/ so verderben die Tauben nicht/ vnd verlassen
auch ihr Taubenhauß nicht.

Theophrastus Paracelsus spricht in libello de tempore
tract. 3. daß einer mit seinen eignen mumia machen kan/ daß sine
Tauben/ Hünner/ Pfawen/ vnd ander geflügel nicht wegkommen.

Drumb haben auch etliche diß recept: R. Menschenblut/ thue
ganke Erbsen drein/ rühre es eine Viertelstunde wol durch einan-
der in einem irdenem Geschirr. Darnach streich das Blut den Lau-
ben mit den Händen an/ vnd wirff ihnen die Erbsen vor zu essen/ so
bleiben sie im Schlage/ vnd so bald sie außfliegen/ bringen sie ande-
re frembde mit sich anheim. Man mag inen auch wol ein Gefäß von
Menschen Harn machen/ wenn man Eberswurzel/ Hanffsamem/
Coriander/ vnd Ofenlehm drein thue.

Es sagen auch etliche/ wenn man weissen Begrich inn den
Schlag steckt/ vnter das Dach/ oder vnter den Schlag/ so sollen
alle Tauben wiederkommen/ die man außfliegen lesset.

Es berichtet mich ein Taubenvogt/ daß diß ein Warhafftig
expe.